

ФАРБ БОЗОРЛАРИДАГИ БЕҚАРОРЛИК

ФАРБ БОЗОРЛАРИДАГИ БЕҚАРОРЛИК

1997 йил октябр ойининг охирги ҳафтасида жаҳон бозорларида акцияларнинг нархлари кескин тушиб кетди. Бу ҳол Гонгконгда бошланиб, Японияга сўнгра Европа ва Америкагача ёйилди. Бамисоли қуёш ер куррасининг турли минтақаларида шаҳарларга навбати билан олдинма-кейин нур таратганидек акция қийматининг тушиши ҳам худди шунга монанд тадрижий юз бераверди. Акциянинг бундай кескин тушиб кетиши худди 1987 йил Нью-Йоркда акция қиймати бир кунда 22 фоиз тушган пайтдагидек ёки 1929 йилдаги бундан ҳам даҳшатлироқ ўзгариш юз бериб, Америка иқтисоди инқирозга юз тутганидек фожиавий бир ҳол юз бериши мумкин деган воҳимани келтириб чиқарди. Тарихий ҳужжатларда бу ҳодиса ҳанузгача «катта инқироз» деб аталади. Бу инқироз ўн йил ҳукм сурган иқтисодий танглик ва очарчиликка сабаб бўлган эди. Иқтисодий таназзул Америка президентини иккинчи жаҳон урушига қўшилишга мажбур қилди ва мамлакат иқтисоди фақат қурол-аслаҳалар ишлаб чиқариш орқалигина тикланди.

Европадаги бу инқироздан аввал Жанубий Шарқий Осиёдаги давлатларнинг пуллари қадрсизланди. Шунга қарамай пул қиймати ҳам, акцияларнинг курси ҳам тушишда давом этаверди ва бу давлатлардаги талай банк ва ширкатлар синди. Бу иқтисодий бўхрон Таиланд, Филиппин, Малайзия ва Индонезияда бошланиб, худди юқумли микробга ўхшаш Осиё шимолидаги Жанубий Корея билан Тайванга ўтди. Октябр ойининг охирларида эса Фарбнинг Осиёдаги йирик савдо базаси ҳисобланмиш Гангконгга етиб борганда Фарб бозори бу микробнинг нечоғли хавфли эканини ҳис этди. Чунки, айнан Европа ва Нью-Йорк бозорларида содир бўлган аянчли ҳол юз берди.

Бу икки иқтисодий бўхрон капиталистик ҳаёт тарзи ва қонуниятларидан келиб чиқсан бўлиб, унинг сабаби, хусусиятлари ва таъсир кўлами асло бир хил эмас. Жанубий Шарқий Осиёдаги акция бозорлари ҳали ўзларини тутиб ололмаган, жуда ночор аҳволда эди. Акция билан иш юритувчиларнинг сони оз, бунинг устига бу оламга эндиғина кириб келган одамлар эди. Акциялардан наф кўрувчилар бадният ҳукмдорлар эди. Худди Таиланд ва Индонезиядагидек бу кимсалар Жанубий Шарқий Осиёда ҳам асосий сармоядорлар бўлиб, ғарбий сармоядорларга ўз пулларидан наф кўришни мубоҳ қилишди ва бу бозорларда ғарблик сармоядорлар тезда бойиб кетишларига имконият яратиб беришди. Америка бундай сармоядорларнинг ер куррасининг истаган жойида акция бозорларини очишига ва Фарб усулида пул ўйини қилиб даромад олишига шароит яратиб берди. Шунингдек уларга ўз молларини истаган давлатига олиб кириш, бу жойларда кўнгиллари тусаган ишга пул тикиш ва қўлга киритган молларини ҳеч қандай эътиroz ва тўсиқсиз олиб чиқиб кетиш ҳуқуқини берди. Лекин акция бозорлари гарчанд сармоя воситаси деб аталса-да, аслида маълум шаҳар ёки мамлакат иқтисодини ривожлантирадиган сармоя манбай эмас. Чунки ҳақиқий сармоя манбай, яъни инвестиция, худди америкаликлар иккинчи жаҳон урушидан кейин Европа ва бошқа қитъалардаги давлатларда кўплаб корхона ва ширкатлар қуриб, уларга эгалик қилишни бутунлай ўз қўлларида сақлаб қолиш тарзида бўлади. Бу бевосита ҳукмрон сармоядорлик бўлади. Аммо воситали инвестиция, яъни сармоя эгаси, маҳаллий мулк эгаси ва давлат эгалик қилаётгак мавжуд корхона ёки ширкат акиялярининг маълум бир қисминигина сотиб олиш орқали рўёбга чиқарилади. Бундай ширкатларнинг баъзи акциялари маҳаллий сармоядорлар қўшган улушига яраша чиқарилган акцияларнииг йилда бир марта

бўлинадиган фойдага қаноат қилиш ниятида эмас, балки қандай йўл билан бўлмасин ширкатга тўла эгалик қилиш бўлмай балки, барча чора-тадбирларни ишга солиб, катта даромад олиш, ўзлари сотиб олгаи акциялар қийматини кескин кўтариб, тезлик билан бойиш мақсадида харид қилинган. Бундай давлатларнинг бозорлари кичкина бўлиб, хорижий сармоядорлар ўз қўлларидағи акциялар қийматини истаганча ўзгартира оладилар, бу мамлакатлардаги бозорлар биринчи навбатда уларнинг манфаатларига хизмат қиласи ва булар сердаромад давлатлар деб аталади. Чунки бундай кичкина бозорларда турли ҳийла-наяранглар орқали акция қийматларини бемалол ўзгартира оладилар. Бу давлатларда акция билан иш юрутувчилар кам, улар хорижликлардан молга, фарб сармоядорларининг ўртага ташлайдиган сармоясига, ҳатто бозор муомаласидаги фирибгарлигу найрангларига ҳам муҳтож. Юз минг ёки миллион доллар маблағга эга жамғарма фаолиятида иштирок этувчи фарблик сармоядор ўз мол-мулки, банкдаги маблағи маҳаллий акцияларни сотиб олишга сарфлаган маблағини қай йўсин ишлатишни билади. У ўзи шерик бўлган жамғармадаги акцияларнинг қиймати ўсишини томошабин бўлиб кутиб ўтирумайди, балки ўз қўлидаги акциялар мудом ҳаракатда ва ривожланишда бўлишини истайди. Муайян акцияга катта маблағ сарфлагани ҳақида акциядор ширкатнинг истиқболи қандай эканлигини изчил ўрганиб боргани, унинг келажаги порлоқ бўлажаги ҳақида турли воситалар орқали овозалар тарқатади, бу фаолиятлардан бутунлай бошқа мақсадларни, малайзиялик, тайландлик ва индонезияликнинг хаёлига ҳам келмайдиган манфаатларни назарда тутади. Муайян ширкат ёки корхонанинг ёрқин келажаги ҳақидаги шов-шувларни эшитган маҳаллий ҳалқ бу акцияларни сотиб олишга шошилиши турган гап. Кўрибсизки, акцияларнинг нархи аста секин ёки бирдан ошиб кетади. Натижада биронта сармоядор жамғарманинг қўллаб-қувватлашига ҳожат қолмайди, акцияларнинг қиймати мўлжалланган даражага ўсиб етади ва маҳаллий ҳалқа сотилади. Ҳаш-паш дегунча ўз дастмояси ва фойдасига эга бўлади ва бевосита шу ишга дахлдор ёки бутунлай бошқа юмуш билан шуғулланадиган ширкатларнинг акцияларини қидиришга тушади. Акцияларни харид қилган одамлар бу ишларнинг сир асрорини англаб етгунча ўз ишини қилиб улгуради. Баъзан бир неча Фарб сармоядорлар жамғармалари битта уюшмага бирлашгандек иш юритадилар, чунки уларнинг мақсад ва интилишлари муштарак. Бундай уюшма ва жамғармалар маълум шаҳар ёки мамлакат бозорларини ўз қўлларига оладилар. Истаган пайтда акцияларнинг нархларини тушириб, мазкур мамлакатнинг пулини қадрсизлантириб юбора оладилар. Оқибатда ўз мижозларига қарзга мол берадиган маҳаллий банкларнинг тақдири хавф остида қолади. Бу Совет ҳокимияти парчалангандан буён ер юзи ва жаҳон иқтисодига Америка якка ҳоким бўлиб олгандан ҳамда «тараққий этаётган» давлатларга мажбуран тиқишириётган сармоянинг ҳосиласидир. Чет эл сармояси ҳисобига тараққий этаётган давлатларнинг ҳалқ хўжалиги ва иқтисодини қўлга олиш бирон ишга сармоя беришдан муҳимроқ, айни вақтда сармоя олаётган давлат учун ўта хатарлидир. Бундай сармоялар мазкур давлатларда кетма-кет юз бераётган молиявий ва иқтисодий бўхронларнинг, ҳалқни кафангадо қилишнинг асосий сабабларидан биридир. Хориждан келтирилаётган бу сармоялар хоҳ Америка қитъасидаги Мексика, Бразилия, Аргентина бўлсин, хоҳ Ўрта Шарқдаги Туркия, Миср, Урдун (Иордания)да бўлсин худди Индонезия, Малайзия каби жанубий шарқий Осиёдаги акция бозорларида юз бераетган аянчли аҳволга ўхшаш барча иқтисодий инқирозларнинг асосий сабабчисидир. Бироқ Америка ва Европа акция бозорларидаги аҳвол тараққий этаётган давлатларнинг акция бозорларидаги

аҳволдан анча фарқ қилади. Бу икки уч асрдан буён мавжуд, иқтисодини мустаҳкамлаб олган. Ўз ишларини пухта йўлга қўйган барқарор бозорлардир. Бундай барқарор бозорлардаги иш юрутувчиларнинг баъзи шаҳарларда юз минг, баъзиларида эса миллион кишини ташкил этади. Лондон ва Нью-Йорк мана шундай шаҳарлар жумласига киради, Бу бозорларнинг акцияларда акс этган бойлиги ва қимматбаҳо қофозлари жуда катта сармоя манбаидир. Мазкур акцияларнинг қиймати номлари зикр этилган шаҳарларнинг ер, суви, завод, фабрикалари ва ҳамма турдаги барча мол-мулкнинг қийматидан баландроқдир. Акция ва қимматбаҳо қофозларнинг сотилган ва сотиб олинган қиймати сотилган мол-мулк ва иш ҳақининг қийматидан баланд туради. Бу нарса мазкур бозорларда иш юритувчилар кўплигига, уларнинг ихтиёридаги мол-мулкнинг беададлигига қарамай, улар ўртасида рақобат келиб чиқишига, улардан биронтаси бозорга ҳукмрон бўлиб олишига ёки бошқалар ҳисобига кўпроқ фойда кўришга, бундай мўмай даромад ҳисобига бойиб, бозорнинг бир қисмига эгалик қилишига йўл қўймайди. Шунга қарамай бу бозорларда аралашиб юрганлар унинг барча ишларida фаолият кўрсатишади ва даромад топиш йўлларини яхши билишади. Бундай кишилар акция қийматига таъсир кўрсатиш учун акцияни сотиш ва олишни вақтини белгилаш чора-тадбирларини кўришади, бунинг ўзига хос режаларини ишлаб чиқишиди. Бу нарсаларнинг ўз акцияларини айлантираётган ўзи бевосита алоқадор ширкат фаолиятига, ширкат сотаётган мол-мулк, кўрсатаётган хизматларига, олаётган фойдаларига дахли йўқ. Акцияларни муомалага киритиш тартиб-йўсинлари, иш режалари, акция бозорларида ўйлаб топилган ўзига хос усуллар, йўл-йўриқлар маҳсус университетлар томонидан ўрганилади. Ширкатлар уюшмасининг акцияларини, шунингдек давлат хазинаси ва ширкатларининг иқтисодини тутиб турувчи қимматбаҳо қофозларни юргизиш бозори нафсилаамрини айтганда унчалик пухта асосга эга бўлмаган, билакс, худди ўргимчак тўридек заифдир. Чунки акцияларни юргизишга одамларни рағбатлантириш акция қийматининг мунтазам кўтарилиб боришига ишонишига, нарх кўтарилишидан мўмай даромад топишига умидвор бўлишига, яъни тамаъгирилика асосланган. Токи замин узра қуёш нур сочиб турар экан, токи инсон тирик экан тамаъ чегара билмайди. Инсоннинг нафси ҳеч нарсага қаноат қилмайди. Шунинг учун одамлар ҳар қандай қимматбаҳо қофозни фақат фийда олиш ва озми кўпми наф кўриш илинжида сотиб оладилар. Бу нарса худди мол бозорларидек бировларнинг номидан олди-сотди қилиб, даллоллиги учун тавон олаётган даллоллик уйлари (маклерлар) борган сари такомиллашиб, оммалаштираётган нарсанинг худди ўзиdir. Кутилган ёки кутилмаган бирон сабаб билан акция қийматининг ошишига ишонч йўқолгач, бозор беқарорлашади, кўпгина акциядорлар зудлик билан ўз акцияларини сотишга ва қандай бўлмасин уни харид қилаётган пайтда кўзлаган фойдасини қўлга киритишга уринадилар. Бундай одамлар, яъни акцияларидан тезроқ қутилишни кўзлаган одамларнинг сони кун сайин ортаверади. Улар кўпайган сари акцияларнинг қиймати тушаверади. Бундай инқироз худди 1929 ёки 1987 йилдагидек тўхтовсиз давом этаверади, ёхуд 1997 йил давомида бўлганидек халқаро миқёсда таҳликали, танг аҳволни келтириб чиқаради, Онгли мусулмон Фарбнинг юлғичликка асосланган иқтисодий таназзулларидан ҳасрат-надомат чекмайди, албатта. Аксинча ўз иқтисоди ва бозорларини Farb усуулларига тақлидан қурган, унинг бозор иқтисоди деган сохта ниқобига ўралган фитналарига қўшилган, Farbнинг йқтисодий тараққиёт йўли фақат «очиқ бозор усули» орқали амалга оширилади, яъни ҳамма нарса мутлақо иқтисодий эркинлик орқали эришилади, деган даъволарини

эътироф этган, фақат эътироф этибина қолмай уни амалиётда тасдиқлаган Индонезия, Малайзия каби давлатларга, бошқа давлатлардаги мусул-монларга етган моддий ва маънавий заарларга ачиниб, ҳасрат чекадилар. Бу фарбона низомга асосланган эркин бозорлар одамларни истаса-истамаса хорижий сармояга таяниб кун кўришга мусулмон давлатларида фақат Farb бозорларининг эҳтиёжига зарур молларни ишлаб чиқариш учун миллионлаб арzon ишчи кучи ишлатадиган Farb ширкатларининг корхоналарини қуришга кенг йўл очиб беради. Маълумки, коммунистик мафкура таназзулга юз тутганидан буён Америка капиталистик ғоя ўзининг энг гуллаб-яшнаган олтин даврига етганини тарғиб этишга киришган. Улар бутун дунёда фақат капиталистик фикр, яъни ўзиб-ўлармонлик, юлғичлик ғоясини одамларнинг миясига сингдиришик учун марказлашган ахборот воситаларини ишга солмоқдалар, акция бозорлари, меҳнат биржалари орқали мусулмонларга ўз манфур ғояларини сингдириб, уларни бутунлай фикрларига рози қилиб кўяёт-ганликлари ачинарли ҳолдир. Farbnинг катта акция бозорларидаги илгари юз берган иқтисодий инқирозлар, Farb қураётган иқтисодий тўрлар нақадар заифлигини, капиталистик иқтисодий мафкура улар тарғиб қилаётганидек фазилатли бўлмай, аксинча қусурлари кўплигини, бу ғояни олтин тоғга қиёслаб ҳар қанча мадҳ этмасинлар, барибир, товланишлари сохталигини фош этиб турибди. Капиталистик ғояга асосланган иқтисодий фикр инсонни ҳар бир нарсага фақат манфаат нуқтаи назаридан қарайдиган, маънавий тубанлаштирадиган манфур фикрdir. Чунки бундай фикр сингдирилган инсонни ҳаракатлантирувчи куч фақат манфаат бўлади. Бундай фикрга таянган жамиятларнинг асоси фақат бир нарсага - моддий манфаатга қурилган бўлади. Бу жамиятнинг аъзолари ўз эҳтиёжларини қондириш учун хоҳ ишлаб чиқариш бўлсин, хоҳ бошқа соҳаларда бўлсин, жонларини жабборга бериб меҳнат қиладилар, улар ўз ҳаётларида моддий манфаатдан бошқа нарсага мутлақо аҳамият бермайдилар. Бундай жамиятдаги мулқдорлар табақаси қўл учida зўрга тирикчилик қиладиган, ночор оммага ҳукмронлик қилишади. Бундай жамиятларнинг кўпчилик аҳолиси камбағал, ўзлариниг энг оддий эҳтиёжларини ҳам қондиролмайдиган ночор кимсалар. Афсуски, мусулмонлар ўзлари бошларидан кечираётган бу аянчли аҳвол уларга усталик билан сингдирилган капиталистик ғояларнинг оқибати эканлигини, акция бозорлари одамларни чалфитиш учун ўйлаб топилган фитна маконлари эканлигини англаб етмаяптилар. Мусулмонлар Farb бозорларида катта иқтисодий инқирозлар юз беришини кутиб ўтиришлари, фақат шу йўл билангина халқнинг аҳволи яхшиланади, дея умидвор бўлишлари дуруст эмас. Балки фарблик сармоядорлар жорий этаётган акция бозорларининг асл моҳиятларини очиб ташлашлари, исломий шариат бундай юлғичликка асосланган тижоратга рухсат бермаслигини, бизнинг динимизда бир неча одам манфаат куриши учун кўпчиликни қақшатиш ҳаром қилинганини тушунтириш керак. Farbdagi акция бозорлари капиталистик иқтисоднинг асоси бўлмиш учта қоидага биноан тараққий этади:

1. Ширкатлар уюшмасининг низоми.
2. Рибога (судхўрликка) асосланган банк низоми,
3. Мажбурий қофоз пул низоми.

Бу тартиб капиталистик иқтисодни икки турга, бозорни эса икки тоифага ажратишга имкон беради.

1. Амалий иқтисод. Бунда ишлаб чиқариш мавжуд мол ва амалий хизматларни бозорга солиш орқали амалга оширилади.

2. Молиявий иқтисод. Баъзилар уни текинхўр иқтисод деб ҳам аташади. Бу турли-туман молиявий қофозларни олиб, сотиш, ташаббускорлик орқали амалга ошириладиган иқтисоддир. Бу молиявий қофозлар мажбурий актлар, сотиш ва сотиб олиш ҳуқуқига эга бўлган ҳужжатлар ва чеклардир,

Булар хоҳ ширкат мулки ёки қарзи бадалига берилган ҳужжат бўлсин, хоҳ давлат қарзи ёки кўчмас мулки бўлсин, хоҳ бироннинг улушкини бозор нархида ёки келишилган нархда сотиш ёхуд сотиб олиш ихтиёри бўлсин, муомаладаги молиявий қофозлар тасдиқлайдиган қонуний чек ва ҳужжатлардир.

Буларнинг барчаси амалий иқтисодга мутлақо алоқаси йўқ нарсалардир. Сўнгги йилларда молиявий, текинхўр иқтисод мислсиз даражада ўсиб кетди. Бу иқтисоддаги муомалалар қиймати амалий иқтисоддаги мавжуд имкониятларни бир неча баробар ортда қолдириб кетди. Аммо ширкатлар уюшмасининг низоми сармоя ва амал эгалари қўшган улушларнинг маълум қисми инқирозга учраса, қарз берувчи ва ҳақдорларни амалда ҳимоя қилиш ва соҳаларда умумий молга эгалик қилиш имкониятини яратиб беради. Сабаби ширкатлар уюшмаси масъулияти чекланган ўзига хос жамиятдир. Агар ширкатлар уюшмаси инқирозга учраса, ҳақдорларнинг бойлиги қанча бўлмасин, барибир, таъсисчилардан бирор нарса талаб қилишолмайди. Ҳақдорларга фақатгина ширкатда қолган мол-мулк тегади холос. Farb таомилида ширкатлар уюшмасини давлат ўзи қуриб, эълон қиласи, лекин таъсисчи бўлмайди. Давлат ширкатлар уюшмасининг чекини чиқаради, унинг мақсад ва вазифаларини, чиқарадиган акциялари сонини белгилаб беради. Шунинг учун ширкатлар уюшмаси ўз таъсисчиларига тобе эмас, мутлақо мустақил ташкилот. У таъсисчилар билан ҳеч нарсага келишмаган ҳолда уларга бирон имтиёз бермайди, ҳақдорлар билан эса фақат ўзига маъқул келадиган шартлар асосида муомала қиласи. Шунга биноан ширкат ўз тасарруфидаги мол-мулкка масъул, таъсисчиларнинг мол-мулкига эгалик қилолмайди.

Давлат ширкатлар уюшмасини тузган пайтда, таъсисчиларни йиғиб, умумий мажлис чақиради. Бу мажлисда ширкат раиси сайланади. Шу кундан эътиборан ширкат муомалада бўлиш ҳуқуқига эга қофоз-акцияларни сота бошлайди. Акцияларни тарқатувчилар учун чекланган ҳуқуқлар жорий этади. Бу ширкат соғ фойдани тақсимлаётган пайтда хизматига яраша ширкатнинг умумий мулкидан фойдаланиш, йилда бир марта ўтадиган умумий мажлисда ўтадиган овоз бериш ҳуқуқидир. Шуни яхши билиб қўйиш керакки, бу ҳуқуқдан акциядорлар эмас, акцияни жорий этганлар манфаатдор бўлишади. Масалан, умумий мажлисда қатнашган пайтда овоз бериш одам сонига қараб эмас, акциянинг сонига қараб белгиланади. Агар бир киши муомаладаги акциянинг teng ярмига ва унга қўшимча яна битта акцияга эга бўлса, қолган акциядорлар сони юз минг нафар бўлса-да, барибир, ўша битта одам мажлиснинг кун тартибинн белгилайди, сайлаш, сайланиш ҳуқуқини елғиз ўзи ҳал қиласи, қолган юз минг кишининг овози ҳеч нарсани ҳал қилмайди. Кўпинча самоядорларга бирон ширкатга ҳукмон бўлиш учун акциясининг ярмидан кўпини сотиб олиш шарт эмас. Кўпинча ширкатнинг ҳайъат аъзоларини сайлаш, сўнг акциядорларнинг ҳамма мол-мулкига эгалик қилиш ва ширкатнинг жиловини қўлга олиш учун йирик акциядорлар ўзаро тил бириктириб, майда акциядорларни тарқатиб юборадилар. Буинг учун атиги беш ёки ўн фоиз акцияни сотиб олиш кифоя. Бу деярли ҳамма жойда жорий этилган усулдир. Оқибатда кўпчилик акциядорлар ширкатдаги ўз молларига эгалик қилиш ҳуқуқидан маҳрум бўладилар. Уларнинг бозорларда ширкат акцияларини сотиш ва сотиб олишдан бошқа бирон имтиёзлари қолмайди. Бу ҳол уларни ширкатга

шерик эмас, балки бозорларда ширкатнинг сотадиган ва сотиб оладиган ҳужжатларини расмийлаштирадиган гумашталарга айлантириб қўяди. Акциялар бозори йирик акциядорларга ўзлари ҳукмрон бўлиб турган ширкатнинг акцияларини ҳеч кимдан рухсат олмай ва кўнгли тусаган иши ҳақида бирорга ҳисоб бермай бемалол сотиш имтиёзини беради. Айни вақтда ўзи бошқараётган ширкатнинг ишлари учун ҳеч кимга ҳисоб бермаслик ҳуқуқини ҳам беради. Шунингдек йирик акциядорлар ўз ширкати ёки бошқа ширкатларнинг акцияларини истаганча сотиб олиш учун бирордан изн сўрашга мажбур эмаслар. Улар фақатгина ўз фойдасини кўзлаб акцияларни сотиб олиши, уни ўзи истагандек тасарруф қилиши мумкин. Агар ўзлари ҳукмронлик қилаётган ширкат акцияларининг нархи ошса, акцияларнинг маълум қисмини ёки ҳаммасини сотиши, аксинча акцияларнинг нархи тушиб кетса, ҳаммасини қайтадан харид қилиши мумкин. Демак, йирик акциядорларнинг ширкатга ва ширкатдаги шерикларига ёки ширкатда хизмат қилувчиларга ҳеч қандай ҳомийлик ҳиссиёти ўйқ. Аксинча, бирон ширкатнинг ҳукмронлигини қўлга киритган йирик сармоядорларнинг истаклари фақатгина ширкат акцияларининг нархини кўтариш, шу усул билан ишларни йўлга қўйиб, ҳаммага таъсирини ўтказишдан иборат. Буларнинг барчаси акциялар бозорини ва бошқа молиявий қоғозларни амалий иқтисоддан, ўз акцияси билан иш юритаётган ширкатнинг ҳаётдан узилиб қолишига сабаб бўлади. Бунинг устига-устак акция бозорларида хизмат қилувчилар бирор ширкатнинг акцияси қадрсизланиши ёки нархи ошиб кетишига бевосита сабаб бўлишлари ҳам юқоридаги фикрни яна бир бор тасдиқлайди. Акция бозорларида акция қийматининг ошиши еки тушишидан келиб чиқадиган меъёр нисбати бор. Бу нисбат битта акцияга бериладиган йиллик фойданинг акциянинг ўша пайтдаги баҳосига нисбатидир. Масалан, акциядан келадиган соғ фойда икки доллар бўлса ва акциянинг бозор баҳоси 40 доллар ҳисобланса, нисбат 20 доллар бўлади. Бошқача ибора билан айтганда ширкатнинг фойдаси акция баҳосининг юздан беш фоизини ташкил этади. Вақтли матбуот ҳар куни ўз акциялари билан иш юритаётган ширкатларнинг ўша нисбатини хабар қилиб туради.

Бу нисбатлар бир-бирига солиштирилганда улар ўртасида катта тафовут борлиги маълум бўлади. Баъзан бу нисбат айрим ширкатларга нисбатан юз фоизга ошиб кетади, баъзи ширкатларга нисбатан эса беш фоизга тушиб қолади. Бу ҳол молиявий қоғоз бозорлари билан амалий иқтисод ва ширкатлар билан ўзаро муомалада катта фарқ борлигини исботлайди ва акция бозорлари катта қиморхонага айлантирилганидан далолат беради. Айни вақтда бу нарса акция бозорларида ҳукм сурадиган рақобат ва мунтазам такрорланиб турадиган кескин ўзгаришлар бозор табиатидан келиб чиқишини тасдиқлайди, Бу ширкатлар уюшмасининг фаолиятига тааллуқли гаплардир.

Банкларнинг рибо (судхўрлик) низоми эса капиталистик иқтисоддаги оғатнинг бошидир. Чунки бу низомга биноан банклар одамларнинг мол-мулкини йиғишига, бу бойликдан худди ўз молидек фойдаланишга ва ўз қўлига жамланган бирорларнинг мулкини бемалол йирик сармояларга, амалдорларга, акция бозорларига қарзга бераверадилар. Ҳатто омонатга пул кўйғанларнинг ўзлари ҳам ўз пулларини қарзга берадилар. Карз бериб топилган рибони, яъни ҳаром пулни қонуний йўл билан ҳалол деб олишга имкон яратадилар. Лекин одамларнинг банкда жамланган молларини қонуний йўл билан қарзга бериш ҳаммага тенг татбиқ этилмайди. Банк эгалари йирик сармоядорларга ва уларнинг ширкатларига ўсими кам қарз олишлари учун барча шарт-шароитларни яратиб берадилар.

Аввало банк эгаларининг ўзлари, йирик сармоядорлар, катта амалдорлар қарз олишда ҳам, қарзини тўлашда ҳам ҳеч қандай тўсиққа учрамайдилар. Бирон хавфхатарга чалинмайди. Уларга берилган имтиёзлар қонуний ҳужжатлар орқали кафолатланиб, расмийлаштирилган бўлади. Улардан кейин майда амалдорлар ўз мавқеларига яраша имтиёзлардан фойдаланадилар. Улардан кейингина оммага навбат келади. Рибо қийматининг тафовути қарз беришдаги бундай табақалашга жонли мисол бўла олади. Бундай тафовут ҳозир Америкадаги йирик мулкдорларга ва нуфузли ширкатларга қарз беришда юзга беш фоиз тарзида ўз ифодасини топган. Оддий фуқарога машина сотиб олиш учун юзнинг йигирма фоизи миқдорида қарз берилади. Бундан, шундай хулоса чиқариш мумкинки, рибога асосланган низом кўпчиликнинг молини бир гурӯҳ одамларнинг қулида жамланишига тўла шароит яратиб беради. Банкларнинг акция бозорларидағи фаолияти амалий иқтисоддаги фаолиятдан хавфлироқдир. Чунки банк акция билан иш юритувчиларга ўз тасарруфидаги молнинг катта қисмини сотиб олишга шароит яратиш учун қарз беради. Масалан, бозорда баҳоси юз доллар турадиган акцияни сотиб олаш учун ўзида атига беш доллар бўлгани ҳолда 95 долларни банкдан ёки банкдан қарз кўтарган броккер (даллол)лардан қарзга олади. Бу нарса акция бозорида иш юритувчи шахс ўз сармоясига сотиб олиши мумкин бўғанидан кўра 20 марта кўпроқ акция харид килиши мумкинлигини исботлайди. Лекин банклар бу даражадаги қарзни фақатгина катта мулк эгаларига беради холос. Бу тадбир банкнинг ёрдами билан катта мулк эгаларининг бозордаги нуфузлари ошишига, шунингдек бозорга ўз таъсирини ўтказишига, нарх-навонинг кўтарилишига ёки тушишига тўла фармонбардорлик қилишларига шароит яратиб беради. Бу усул топган-тутганини омонат қўювчилар ва банк билан доимо муомалада бўлувчилар ҳисобига бир гурӯҳ одамларнинг бойишини таъминланишини тўла исботлайди. Акция сотиб олувчиларнинг кўпчилиги қарз бериш ва акциялар қийматининг ўсиш нисбати эвазига бойишади. Акциялар қийматининг кескин тушиши кўпинча нарх-навонинг тушиб кетишига олиб келади. Масалан, банк бирон акциядорга у сотиб олишни истаган акция қийматининг 90 фоизини қарзга беришга рози бўлса ва у киши бир миллион долларлик акция сотиб олса, унинг банкдан қарзи 900.000 долларни ташкил этади. Агар акциянинг қиймати 20 фоизга тушиб кетди деб фараз қилсан, олинган акциянинг қиймати 800.000 бўлиб қолади. Қарзга олинган 800.000 долларнинг 20 фоизи 160.000 доллар бўлади ва қарз учун банкка 180.000 доллар тўлаш керак. Агар банкдан олинган қарзини тўлашга имкони бўлса мулкдор ўз акцияларини сотиши шарт эмас. Бордию, қўли қисқалик қилса, акцияларни сотишга мажбур бўлади. Бу ҳол акциялар қийматининг тушишига сабаб бўлиши турган гап. Агар бир неча акциядор мана шундай аҳволга тушса, нарх-наво кескин пасайишига, бозорда беқарорлик юзага келишига сабаб бўлади. Шу сабабли акция бозоридаги банкларнинг рибога асосланган хизмати муомаладаги акцияларнинг нархи кўтарилиб тушишига қараб ўзгариб туради. Муайян акциянинг қиймати ошган пайтда банк ўз акциядорларига қарзга катта-катта молларни таклиф қиласди. Бу моллар акциядорларнинг банкка қўйган маблағидан бир неча баробар кўп бўлиши ҳам мумкин. Акциядорлар бундай қулай фурсатдан фойдаланиб, имкони борича кўпроқ акция харид килишга интилади, оқибатда яна акцияларнинг нархи оша бошлайди. Бир куннинг ўзида нарх-наво бир неча марта ўзгариб туриши ҳам мумкин. Баъзан муайян акциянинг қиймати ҳеч қандай сабабсиз, шов-шувсиз худди режалаштириб қўйилгандек бир меъёрда пасайиб кетавериши ҳам мумкин. Бундай вазиятда банклар берган қарзларига гаров варақасини ўтовчи

акцияларининг қийматини пасайиши биланоқ қарз беришни кескин камайтиради. Шошиб қолган акциядор қўлидаги акцияларнинг бир қисмини ёки ҳаммасини бирваракайига сотишга тушади. Бундай аҳвол акциялар қийматининг тушиб кетишини янада жадаллаштиради. Акциялар қийматининг муттасил тушиб боравериши банкларнинг ўз мижозлари билан муомала фаолиятини фалаж аҳволга солиб қўяди. Шу ўринда ҳақли бир савол туғилиши табиий. Банк бундай вазиятда тасарруфидаги молларни қаер-дан олади ва қарзларини маълум миқдорда бойлигини нималарга ишлатади? Бунинг жавоби оддий. Анвало бу бойлик омонат қўювчиларнинг мулкидир. Рибо билан кун кўрувчи банклар мулкининг асосий қисмини банкда сақловчиларга, банкда очилган ҳисоб шу банкни ёки банкни ҳисобига қўшилмаслигига суюнади. Мулкнинг кўп қисми банк тасарруфида бўлади. Банк қарзга берадиган нарса бирон нарсадан ортириб берадиган нақд мол эмас, балки қатъий ҳисобдаги молдир. Банк қарз олувчи учун иккита ҳисоб усули билан бу ҳисобни тузади. Бу ҳисоб рақамининг бирни мижознинг бўйнидаги қарз учун, иккинчиси эса ундирилган қарздан ҳосил бўладиган даромад учун очилади. Қарздор мана шу иккинчи ҳисоб рақамидан ўзи билан банк ўртасидаги муомалани билиб олади. Агар пул қўювчилар билан қарз олувчилар банкка баробар келишса, ҳар иккала тоифа одам ҳам ҳеч нарса ололмайди. Чунки бу омонатларнинг маълум қисми зиёнга учраган, маълум қисми эса бошқа банкларга қарзга берилган бўлади. Кўпинча банклар қарзларини ундира олмай мижозлари олдида юзи шувит бўлади ва аксар ҳолларда инқизотга учраб ёпилади.

Банкларнинг рибога асосланган низоми ўзаро ишончга, мижозларнинг банкдаги омонатлари дахлсиз сақланишига, мулк эгаси ўз омонатини истаган пайтда тўлалигича олиш ҳуқуқига эгалигига асосланган албатта. Бироқ бу ўзаро ишонч банк фаолиятининг моҳиятига зид келувчи алдовдан бошқа нарса эмас. Бу сир Фарбда ва бошқа хорижий давлатлардаги банкларда мижозлар ўз омонатларини олишолмай талай нарсага куйгай пайтларида фош бўлган. Гарчанд бу аҳзол тез-тез такрорланиб турса-да, банклар инқизотга учраган ёки бутунлай ёпилган пайтларида бу ҳақда ломмим дейилмайди. Бундай вазиятдан чиқиб кетиш учун Фарб мажбурий қофоз пул воситасини ўйлаб топди. Пул муомаласини изчил назорат қилиб туриш учун маълум шаҳар ёки мамлакатдаги банкларни битта марказий банкка бўйснодирди. Бу ишлар банкнинг рибога асосланган иллатларини, мижоз билан муомаласи фақат алдам-қалдамга қурилганини яшириш, банкни банкротдан асраш ва одамларнинг капиталистик ҳаёт тарзига ишончини сўндириб қўймаслик учун қилинади. Мажбурий қофоз пул марказий банкка аслида ҳеч қандай қадр-қиймати йўқ қофоз пул чиқариб, одамларни шу бир парча қофознинг ҳақини адо этишга мажбур қилиш имтиёзини берди. Агар бирон киши қарзини ундираётганда шу пулларни олишдан бош тортса, қонун ва суд уни шу пулларни олишга мажбур қиласди, акс ҳолда унинг ҳақини бекор қиласди. Демак марказий банкка давлат сиёсатини ҳаётга татбиқ этяпти, деган баҳона билан ҳаводан бойлик топиш имкониятини бериш демакдир. Бунинг маъноси шуки, агар давлат хазинасида солиқ ва бошқа тўловлардан йиғилган маблаф қолмаса, у дарров марказий банкка мурожаат қиласди ва керагича қарз олади. Марказий банк ўз сарф-харажатини чиқариб оладиган шарт билан давлатга омонат ҳисоб рақамини очади. Давлатга берилган бу қарз банкнинг маблағи бўлади. Агар марказий банк бирон ташкилотга кўп миқдорда қарз бериш зарур бўлиб колса, давлат қарзнинг васиқа-векселларини ёки бирон ширкат векселларини сотиб олади. Сотиб олинган векселларнинг қийматини шу векселларнинг ўзи билан ёки уларни сотиб олувчига расмийлаштириб қўяди. Бу

ҳам банкнинг маблағи бўлади. Бунга 1987 йили октябр ойида Нью-Йоркда содир бўлган ҳодиса, яъни акцияларнинг қиймати бир кунда 22 фоиз тушгани ёрқин мисол бўла олади. Американинг марказий банки зудлик билан катта миқдорда маблағ тўлади. Бу пулларни ақл бовар қилмайдиган бўхроннинг изларини хаспўшлашга сарфлади ва бу ишга қўл остидаги барча банкларни сафарбар этди. Марказий банк бозордан ва турли банклардан бир миллиард долларлик қарз векселларини сотиб олди. Бу векселларнинг пулини қарз беришга, акция бозорларидаги олибсотарларнинг мушкул аҳволларини енгиллатиш учун сарф этди. Шу билан марказий банк маълум вақт ўзининг судхўрликка асосланган кирдикорларини яши-ришга муваффақ бўлди. Чунки бутун мамлакатда Нью-Йоркдаги энг катта банк танг аҳволга тушиб қолибди, у бугунми, эртами ёпилиш арафасида турган экан, деган миш-мишлар тарқала бошлаган эди. Бундай вазиятда қофоз пулни босиб чиқаравериш билан маблағ асосини мустаҳкамлаб бўлмайди. Бундай сарф-харажатларни давлат ва ўз мижозлари ҳисобига ёзиб қўйиш халқа жуда катта кулфат келтиради. Марказий банкнинг ўз маблағини яратиш учун муомаладаги пулнинг сонини кўпайтириши пулнинг курси тушиб кетишига сабаб бўлди. Судхўрлик ва алдам-қалдамга асосланган бундай иш услуги эҳтиёжга яраша маблағ ва хизмат сарф-харажатларнинг муттасил ошиб боришидан норозиликларни келтириб чиқаради. Нарх-наводаги бу хил воқеани баъзилар қадрсизланиш, яъни инфиляция деб аташади. Инфиляция бу одамларнинг қўлидаги пуллари ва маошларининг қиймати пасайишидир. Лекин юқоридаги мисолда асосий айб «ишонтириш ўйинига», яъни қофоз пулнинг қадри бор, деган алдовдан иборат. Ваҳоланки, бу қофоз пулнинг аслида ҳеч қандай қадр-қиймати йўқ. Лекин давлат уни қонун воситаси билан қадрли деб жорий қилган. Ҳар қандай тўлов воситасини шу қофоз пул орқали амалга ошириш ҳуқуқини берган. Ҳали иқтисодий жиҳатдан ўзини мустаҳкамлаб ололмаган давлатларда сиёсий вазият беқарор бўлгани учун мазкур тузумнинг ўз халқи олдида ҳам, халқаро миқёсда ҳам нуфузи бўлмайди. Табиийки унинг пули ҳам ҳеч қандай қадр-қийматга эга эмас. Бундай давлатларнинг раҳбарлари «ишонтириш ўйинига», яъни одамларни лақиллатиш ўйинига қўшилиб, ўз қофоз пулларининг қадр-қиймати борлигига одамларни ишонтиришга ҳаракат қиласидилар. Бироқ кўпинча хорижий пул бирлиги олдида ўз пулларининг қадрини ерга уриб юбоганларини ўзлари ҳам билмай қоладилар. Бу ҳолат Фарbdаги ва Farbga тақлидан йўл тутган кўпгина давлатларнинг акция бозорларида кузатилаётган кундалик аҳволдир. Бу бозорлар йирик сармоядорларнинг ҳаракат майдонидир. Чунки бу бозорда одамларга наф берадиган бирон нарса ишлаб чиқарилмайди. Кўпчиликни бу бозорларга жалб этадиган нарса осон йўллар билан мўмай даромад топишдир. Бундай бозорлар фаолиятини фақатгина қиморхонага қиёслаш мумкин. Бундай бозорлар бамисоли ўргимчак тўрларидек ҳаммани ўзининг тўрига илинтиришга уринади. Уларнииг асоси пуч, мақсадлари юлғучлик, юритаётган сиёсалари беқарор. Бу бозорнинг эгалари бойлик топиш учун итдек бир-бирларини ғажиб ташлашга тайёр. Агар ширкатлар уюшмаси, банкнинг судхўрликка асосланган низоми ҳамда мажбурий қофоз пул жорий этилмаганида, қандай йўл билан бўлмасин пул топиш керак деган капиталистик ақида устивор бўлмаганида бундай текинхўрлар бозорига умуман эҳтиёж йўқ эди ва бугунги кунда улар миллионлаб софдил одамларни лақиллатолмас эди. Афсуски, Farbdagi ва Farbga тақлид қилган мамлакатлардаги иқтисодий аҳвол айнан шундайдир.

Бу хусусда Ислом динининг шаръий хукми қўйидагичадир:

Ширкатлар уюшмасининг низоми фақатгина ширкатлар уюшмаси учун хос бўлган масъулияти чекланган деган имтиёзни беради. Агар ширкат ўз иш фаолиятида муваффақиятсизликка учраса ва моддий зарар кўрса, сармоядор ва ширкат раҳбарларини маблағ эгалари ва бошқа фаолиятга қўшилган ҳақдорлардан ҳимоя қиласди. Ширкатлар уюшмасида ҳақдорлар ўзларининг таъсисчиларидан бирор нарса талаб қилишга ҳаққи йўқ. Таъсисчиларнинг бойлиги қанча бўлмасин, ҳақдорлар фақат ихтиёрида қолган мол-мулкдан улуш олиши мумкин холос. Бундай низом шариат аҳкомларига мутлақо зиддир. Шариат ҳақдорларга ўз ҳақларини сира камайтирмасдан беришни ҳукм қиласди. Уларнинг ҳақларидан бирон нарса юлиб қолиш мумкин эмас. Буюк муҳаддис Исломил Бухорий Абу Ҳурайра ддан ривоят қиласди, Расулуллоҳ ј айтган эдиларки: «Кимки бирорвнинг унинг ҳақини адо этиш ниятида олса, Аллоҳ унинг бу ниятини раво қиласди. Кимки бирорвнинг молига талофат етказиш қасдида олса, Аллоҳ у кишига талофот етказади».

Имом Аҳмад Абу Ҳурайра ддан ривоят қиласди: Расулуллоҳ ј айтдиларки: «Сизлар қиёмат куни ўз аҳлига қараб албатта ҳамманинг ҳаққини адо қиласизлар. Ҳатто шохсиз қўйни сузгани учун шохдор қўйдан қасос олиб берилади».

Расулуллоҳ ј бу дунёда бирорвларнинг ҳақларини комил адо этиш вожиблигини таъкидлаб шундай деганлар: «Кимки бу дунёда бирорвларнинг ҳақини адо қилмаса, қиёмат куни албатта адо қиласди». Бу бирорвларнинг ҳақини бемалол еб кетаверадиганлар учун қаттиқ огоҳлантириш, ҳатто таҳдиддир.

Аллоҳ Таоло байни чўзишни, қарзни вақтида тўлашни кечиктириб юришни зулм деб эълон қиласди.

Имом Бухорий Абу Ҳурайра ддан ривоят қиласди: Расулуллоҳ ј айтдиларки: «Байни чўзиш зулмдир. Агар бирорвнинг ҳақини адо қилмаслик зулм бўлса, бирорвнинг ҳақини еб кетиш ва қарзни тўламаслик оғир зулм ва қаттиқ уқубатга лойиқdir. Инсонларнинг энг яхшиси ҳақларини вақтида адо этадиганларидир». Шунинг учун ҳақдор ва мулк эгаларига ширкатлар уюшмаси синганидан кейин ёки қарзларини қайтараётганида уларнинг ҳақларидан чегириб қолиши ёки фақат ширкатлар уюшмасида қолган мол-мулкнинг ўзи билангина ҳисоб-китоб қилиши ҳаром. Уларга ўз ҳақлари ва қарзларини тўла-тўқис беришлари, таъсисчилар улушларини ҳам асло камайтирмасдан тўлиқ қайтаришлари вожибdir. Бу ширкатлар уюшмасининг низомини уюшмани масъулияти чекланган ташкилотга айлантириб олганига нисбатан чиқарилган ҳукмдир. Бироқ ширкатлар уюшмасининг Исломдаги шаръий ҳукмга хилоф ташкилот эканлиги ҳақида алоҳида тўхталиб ўтиш керак. Уларнинг ўз таъбирича ширкатлар уюшмаси икки ёки ундан кўп шахснинг ҳар бири давр тақозоси билан маълум мақсад ва лойиҳага асосланган ҳолда фойда ва заарни тенг тақсимлаш шарти билан ўртага маблағ ташлаб иш юритадиган ташкилотdir.

Уларнинг бу таърифларидан ва ширкатлар уюшмасининг иш юритиш тартибидан шу нарса маълум бўладики, сиртдан қараганда ширкатлар уюшмаси шаръий ҳукмга мувофиқ келадиган икки ёки ундан кўп кишиларнинг ўзаро битишивига асосан иш юритувчи ташкилотdir. Чунки шаръий аҳд икки томон ўртасидаги ўзаро келишув ва розилик билан амалга оширилмоғи лозим. Бир томон мен сенга шерик бўлдим, дейиши билан аҳдлашув таклиф қиласди ва шерикчилик шартларини ўз зиммасига олади. Иккинчи тараф бу таклифни қабул қилдим ёки бу таклифга розиман, дейиши билан бу масъулиятни ўз зиммасига олади. Агар аҳдлашув икки томоннинг розилиги ёки кўпчиликнинг маслаҳат

кенгаши билан бўлмаса, ҳуқуқий кучга эга эмас ва бу нарса шаръий аҳдлашув деб аталмайди. Ширкатлар уюшмасидаги шерикчилик эса акцияларни ширкатнинг ўзидан ёки олдинроқ харид қилган кишидан сотиб олиш орқали амалга оширилади. Ширкатлар уюшмасида ҳеч қандай масала хусусида на бирон аъзоси, на таъсисчилари билан келишиб иш юритилмайди. Бу ерда фақат кўпроқ акцияга эга бўлган одамнинг ҳукми ўтади холос.

Ширкатлар уюшмасини қурган, уни ўз таъсисчиларига бўйсинмайдиган ташкилотга айлантирган - давлатdir. Бундай ташкилот давлатнинг чизган чизифидан чиқмайди, ўзича мустақил иш юритолмайди. Аммо ширкатлар уюшмасини қурган таъсисчилар масаласига келсак, уларнинг иттифоқи фақат ўзаро бирлашиб, муайян ширкатни қуриш учун давлатга ўз таклиф ва лойиҳаларини тақдим этишлари мумкин холос. Агар ширкатни қуриш ҳақида давлатнинг қарори чиқсагина у фаолият кўрсата олади. Бу ишда шу нарса ойдин бўладики, бу ширкатни қуришда на икки тарафнинг аҳду паймони, на кўпчиликнинг маслаҳат кенгаши бор. Бу ташкилотда акция сотиб олган ҳар бир таъсисчи ўз-ўзидан шерикка айланади ва энди таъсисчи бўлмай қолади. Ширкатлар уюшмаси икки киши ёки бир неча одам ўртасидаги иттифоқ эмас, биттагина сармоядор одам ҳукмронлик қиладиган ташкилот. Ширкатда шерик бўлиш ёки бўлмаслигини фақат мана шу биргина кишининг хоҳиш-иродаси ҳал қилади. Ширкатлар уюшмасининг акциясини сотиб олган киши ўз-ўзидан бу ташкилотга аъзо бўлади, яъни шерик ҳисобланади, асло таъсисчи эмас.

Фарбдаги ҳуқуқшунослар бундай иш юритиш тартибини гарчанд у бир кишининг хоҳиш-иродасига боғлиқ бўлсада, барибир, кўпчиликнинг иттифоқига асосланган, кўп овозли уюшма деб таъвил қиласидилар. Бундай иш тутиш тартиби Фарб оламида якка шахс иродаси билан ҳам иш юритиш мумкин деган ақидага мос келаверади. Чунки бир киши барибир бошқа одамларнинг, қолаверса, кўлчилик омманинг манфаатини кўзлаб хизмат қиласиди, деган фояга суюнадилар. Лекин бир кишининг фикри иккинчи бир одамнинг, ҳатто кўпчиликнинг хоҳиш-истакларига мос келиш-келмаслиги мутлақо аҳамиятсизdir. Шунга биноан ширкатлар уюшмасининг аҳдлашуви шаръан ботилдир. Чунки шаръан аҳдлашув шериклардан бирининг фикрини бошқалар қабул қилишига ва бу келишув иш фаолиятида ўз ифодасини топишига боғлиқdir. Ширкатлар уюшмасининг аҳдлашувида эса бу нарсага амал қилинмайди. Ширкатлар уюшмасининг бундай иш йўсими Исломдаги шерикчилик тартибига мутлақо хилофdir. Чунки Исломдаги шерикчилик икки ёки бир неча кишининг ўзаро келишган ҳолда маблағ қўшиб, иш юритишга, фойда-заарга teng шерик бўлишга аҳдлашиб тузилган иттифоқdir. Исломий шерикчиликда фақат бир томоннинг манфаатини кўзлаб келишиш мумкин эмас, балки ҳамма шерикларнинг баробар бир қарорга келиши асосида иш юритилади. Исломий аҳдлашувда фойда топиш учун бор имкониятлар teng сафарбар этилади. Бундай шерикчиликда фақат иштирокчи бўлишнинг ўзигина кифоя қилмайди, балки ҳар бир аъзо ўзига яраша бирон вазифани адо этади: бирор мол-мулки билан, бирор саъй-ҳаракати билан, бирор ақл-заковати билан хизмат қиласиди. Икки киши келишиб қилган ҳар қандай ишни адо этиш лозим бўлган барча юмушларни teng бажариш зарурдир. Исломий шерикчиликнинг ҳар қандай кўринишида ҳам одамнинг ўзи иштирок этиши шарт деб ҳисобланади. Бу шартга риоя қилиш бирон мақсад билан шерикчилик қилишнинг асоси ҳисобланади. Агар иш юритувчи икки одам топилса, шерикчилик аҳди тузилади, топилмаса шерикчилик аҳдига ҳожат қолмайди.

Бундан маълум бўладики, ширкатлар уюшмасида шерикчилик аҳдлашувига риоя қилиш лозим бўлган шартлар етишмайди. Чунки ширкатлар уюшмасига йифилган кишилар бу ишга фақат моли билангина қўшилган кишилардир, бу фаолиятда уларнинг ўзлари иштирок этишмайди. Ваҳоланки, шерикчилик билан ширкат тузишда ҳар бир иштирокчининг бевосита ўзи қатнашиши шарт. Ширкатлар уюшмасида шерикчилик фақат маблағ ва мол-мулк орқали рўёбга чиқарилади. Тўғри, бу ҳолда ҳам ширкат ўз вазифларини адо этаверади. Лекин фақат маблағи билангина шерик бўлган одам шаръян ширкатнинг ишларига аралашишга ва тенг хуқуқли шерик сифатида саъй-ҳаракат қилишга ҳақли эмас. Сабаби, ширкатни бошқариш ва иш юритиш хуқуқлари қатъиян чеклангандир. Чунки ширкатлар уюшмасидаги шерикчилик одамларнинг иттифоқи эмас, балки мулк шерикчилигидир: ким кўп акцияга эга бўлса, кўпроқ овозга эга, кам акция эгаси эса кам овозга эга бўлади. Фарбликларнинг удумига биноан ширкатлар уюшмасини бошқариш фақатгина бир одамнинг шахсиятига боғлиқ қилиб қўйилади, яъни ким сармоядор бўлса, ўшанинг хоҳиш-иродаси қолганлар учун қонун.

Ваҳоланки, бирон ташкилотни бошқариш хуқуқи бу ишга лаёқати бор, ҳар томонлама шаклланган одамга топширилиши керак. Бундай шартга амал қилинмаган ҳар қандай бошқарув усули шаръян ботилдир, Бошқарув ишини фақатгина моддий ва маънавий жиҳатдан ҳақли одамга топшириб қўйиш, иқтидорли одамларни четлаб ўтиш мазкур ташкилот учун ҳам, жамият учун ҳам зарарлидир. Бу ҳукмга амал қилмагани учун ҳам ширкатлар уюшмаси шаръян ботил ташкилотdir. Бу ширкатлар уюшмасининг қурилмасига тааллуқли фикр. Энди ширкатлар уюшмасининг акциялари хақида ҳам қисқача тўхталиб ўтиш жоиз. Ширкатлар уюшмасининг акциялари уни сотиб олиш ёки қийматини белгилаш вақтида ширкатдан кўрадиган фойдасини акс эттирувчи хуқуқий ҳужжатдир. Ширкатлар уюшмаси қурилаётганда, олдин унинг дастмояси жамланмайди, балки унинг бор бойлиги фақат акциядан иборат бўлади. Акциялар ширкатнинг дастмояси эмас, акцияларнинг қиймати событ эмас, балки ширкатнинг фойдасига ёки зарар кўришига қараб ўзгариб туради. Акцияларнинг қиймати ҳам муқим эмас, балки мудом ўзгарувчандир. Бундай акцияларни ва қарз васиқаларини (векселларини) сотиш, сотиб олиш шаръян ҳаромдир. Сабаби, акциялар шаръян ботил ширкатлар уюшмасини акцияларидир. Бу акциялар ёлғон аҳду паймонга, фирром муомалага асосланиб, ҳалол дастмоя билан ҳаром фойдани ўз ичига олган қимматбаҳо қофозлардир. Бундай қофозлар ботил ширкатдаги мавжуд маблағдан келган фойдага қараб баҳоланадиган ҳужжатлардир. Бундай ширкатларнинг мавжуд нарсалари шариат қайтарган йўллар билан топилган бўлиб, уларни сотиш ҳам, сотиб олиш ҳам, ҳатто бундай ташкилотлар билан муомала қилиш ҳам дуруст эмас, чунки уларнинг мол-мулки ҳам, топган-тутгани ҳам ҳаром ҳисобига киради. Судхўрлик билан пул топиб, сармоядорлик қиладиган қарз васиқалари ва банк акциялари ҳам шу ҳукмга биноан ҳаромдир. Чунки бундай қофозлар ҳаромдан топилган маблағ ҳисобига жорий этилган. Бас шундай экан, бундай қофозларни сотиб олиш, улардан фойдаланиш, бундай қофозлар орқали эгалик қилиш мумкин бўлган мол ҳам ҳаром бўлади. Бу ҳукм ширкатлар уюшмасига, унинг низомига, у чиқарга акцияларга бирдек дахлдор. Аммо капиталистик дунёқараш ва у жойларда ҳукмрон бўлган иқтисоддаги балонинг асоси бўлгай судхўрликдан топилган маблағ масаласига келсак, рибонинг даражаси қанчалик оз ёки кўп бўлишидан қатъ назар Ислом дини уни бутунлай ҳаром қилган. Рибо орқали топилган мол-мулк мутлақо ҳаром, бирон киши ундан

фойдаланиши у ёқда турсин, ҳатто эгалик қилишга ҳам ҳаҳқи йўқ. Агар эгалари топилса, бундай мол-мулк уларга қайтариб берилади. Рибодан нафратланишнинг сабаби шундаки, Аллоҳ Таоло рибони истовчиларни жин чалган кишилар деб атаган.

الَّذِينَ يَأْكُلُونَ الْرِّبَوْا لَا يَقُومُونَ إِلَّا كَمَا يَقُومُ الَّذِي يَتَخَبَّطُهُ الشَّيْطَانُ مِنَ الْمَسِّ ذَلِكَ بِأَنَّهُمْ قَالُوا إِنَّمَا الْبَيْعُ مِثْلُ الْرِّبَوْا وَأَحَلَّ اللَّهُ الْبَيْعَ وَحَرَمَ الْرِّبَوْا فَمَنْ جَاءَهُ مَوْعِظَةٌ مِنْ رَبِّهِ فَأَنْتَهَى فَلَهُ مَا سَلَفَ وَأَمْرُهُ إِلَى اللَّهِ وَمَنْ عَادَ فَأُولَئِكَ أَصْحَابُ النَّارِ هُمْ فِيهَا خَلِدُونَ

— „Рибони егувчи кимсалар қиёмат куни қабрларидан худди жин чалган кишилардек турадилар, чунки улар савдо ҳам худди рибо, судхўрликнинг ўзгинаси-ку, деганларидир. Аллоҳ Таоло савдони ҳалол, рибони ҳаром қилди. Кимга роббиси тарафидан панд-насиҳат етса ва рибодан тийилса, у ҳолда аввал қилган ишлари ўзига тан ва унинг ҳукми Аллоҳга топширилур, яъни истаса кечирад. Ва кимки яна рибога қайтса, улар жаҳаннам эгаларидир ва у ерда абадий қолажакдирлар”.[2:275]

Судхўрлик бутунлай ҳаромлиги сабабли Аллоҳ Таоло рибо егувчиларга уруш ёълон қилди. Аллоҳ Таоло бундай дейди:

يَتَأْيَهَا الَّذِينَ ءَامَنُوا أَتَقْوَا اللَّهَ وَذَرُوا مَا بِقَيْ مِنَ الْرِّبَوْا إِنْ كُنْتُمْ مُؤْمِنِينَ ﴿٤﴾ فَإِنْ لَمْ تَفْعَلُوا فَأَذْنُوا بِحَرَبٍ مِنَ اللَّهِ وَرَسُولِهِ وَإِنْ تُبْتُمْ فَلَكُمْ رُءُوسُ أَمْوَالِكُمْ لَا تَظْلِمُونَ

— „Эй иймон келтирганлар, Аллоҳдан қўрқинг! Агар мўмин бўлсангиз рибодан қолган сарқитларни ташланг. Агар бундай қилмасангиз Аллоҳ ва унинг расули томонидан бўладиган урушга тайёр бўлинг. Агар тавба қилсангиз, топганингиз ўзингизгадир, золим ва мазлум бўлмагайсизлар”, [2:278-279]

Мажбурий қофоз пул масаласига келсак, инсонлар ўз хизматлари ва сарфлаган куч-қувватлари учун ҳақ олишга восита қилишга келишган нарсадир. Хоҳ у маъдан, хоҳ қофоз шаклида бўлсин, мол-мулк, сарфланган меҳнат, ақл-заковат ҳосиласи баҳоланадиган ўлчов воситасидир. Бундай тартиб-қоида Исломдан аввалги замонларда ҳам ҳукм сурган. Расулуллоҳ (Саллал-лоҳу алайҳи ва олиҳи ва саллам) замонларида динор ва дирҳам шаклида муомалага киритилди. Барча моддий ва ақлий хизматларнинг ҳақи мана шу пул бирлиги орқали баҳоланди. Биринчи жаҳон уруши арафасигача бутун дунёда олтин ва кумуш пул бирлиги сифатида ишлатиларди. Урушдан кейин бу маъданлардан қисман фойдаланидиган бўлинди. Кейинчалик олтин ва кумушдан фойдаланиш аста-секин истемолдан чиқа бошлади. 1971 йил 15 июлда долларни олтин билан қоплаш ва унинг қийматини событ тутиб туришни талаб қилган қонуншунос Кози Ведз ва Бритедиларнинг низоми бекор қилинди. Шу сабабли қофоз пуллар жорий қилинди. Бу пуллар олтин ва кумуш ўрнига ўтмайдиган, ўз ҳолиҷа ҳеч қандай қадр-қиймати йўқ бир парча қофозга айланди. Бундан қатъи назар бу пуллар ўзаро муомала учун восита бирлиги қилиб белгиланган. Бу нарса қонун билан муҳофазаланган. Қофоз пулга эгалик қилувчи давлат ўз мавқеини ва иқтисодини мустаҳкамлаш учун ундан бир восита сифатида фойдаланади. Давлатлар ўз манфаатини кўзлаб иқтисод оламида турли найрангларни ўйлаб топишади ва пул беқарорлигини, иқтисодий ташвишларни келтириб чиқаришади. Пулни қадрсизлантириш учун қофоз

пулларни босиб чиқаришни атайлаб кўпайтиришади. Бу нарса пулнинг курси тушиб кетишига сабаб бўлади. Бунинг оқибатида бозорларида кутилмаган инқирозлар юз беради. Фарбнинг бозорларида, оламнинг турли минтақаларида иқтисодий бўхронларнинг юз бериши капиталистик иқтисод низоми бузғунчилигини, ширкатлар уюшмасининг низоми чиркинлигини, банкнинг рибога асосланган низоми манфурлигини ва қофоз пул низоми яхши ниятда ўйлаб топилмаганлигини яна бир бор исботлайди. Токи ушбу низомлар - тартиб-қоидалар мавжуд экан, капиталистик иқтисодий низомнинг бузғунчилигидан ва бозорлардаги бўхронлардан қутулишнинг сира иложи йўқ.

Оlamни капиталистик низомнинг бузғунчилигидан, ширкатлар уюшмасининг фитналаридан, банкнинг рибога асосланган тартиб-қоидаси ва мажбурий қофоз пул макрларидан қутқарадиган бирдан-бир восита бу низомларни бекор қилиш, ширкатлар уюшмасини тарқатиб юбориш ва исломий ширкатларга айлантириш. Банкдаги рибога асосланган тартиб-қоидаларни таг-туги билан йўқ қилиш, мажбурий қофоз пул воситасини кучдан қолдириш, яна олтин ва кумуш орқали муомала қилишга қайтишдан иборат. Фақатгина шу йўл билан мунтазам давом этиб турган даҳшатли бўхронларнинг, иқтисодий инқирозларнинг олди олинади, рибога асосланган банкларнинг қарзлари ва бозорларидаги беқарорликка чек қўйилади. Оқибатда рибо билан кун кўрувчи банкларга эҳтиёж қолмайди ва бутун дунёда иқтисодий барқарорлик юзага келади. Пулнинг касод бўлиши, бозорларидаги лўттибозликлар ҳам барҳам топади, иқтисодий инқирозларга чек қўйилади.

Сайдимиз Муҳаммад алайҳиссаломга, у кишининг оила аъзоларига, саҳобаларига ва қиёматгача уларга эргашганларга Аллоҳнинг саловоти ва саломи бўлсин!

**16 ражаб 1418ҳ
16 ноябр 1997м**

